

բերութիւնը: Եւ իւր բոլոր ունեցածն առաջարկելով հայրենեաց սեղանի վրայ, այդ (էկզալտիրովաննի) յափշտակուած հայրենասէրը չի մտածում իւր մերձաւորների անձնաւորութեանց և իւր ընտանիքի առաջարկած զոհաբերութեան անդործադրելիութեան մասին:

Նա մանրամասն տեղեկագրում է իւր մասին, որ գիտէ հինգ լեզու (ռուսերէն, ասորերէն, հայերէն, թուրքերէն և վրացերէն): Գրում է, որ ինքն ու իւր ընտանիքը «ֆիզիքական սչ մի արատ չունին», որ նա իւր կրթութիւնը ստացել է հոգեւոր սեմինարիայում և միսիօներական դասընթացներում, ունի կամելաւհա յիշում է, որ լաւագոյն վկայութիւններ ունի վրաստանի էկզարխ Ալէքսէյից և այլն:

Վաճառուելու առաջարկութիւնը մեր խմբագրութեան մէջ ստացուած է բլանկի վրայ, պաշտօնական № 93 գրութեամբ ապրիլի 21-ից և վերջում կնքուած է եկեղեցական կնքով:

Վաճառուելու պատճառը պաշտելի հայրենիքի պաշտպանութիւնն է խորամանկ Եսայիսիայից:

Իւր և իւր ընտանիքի վաճառման վճիռը նա յայտնում է ըստ իւր վկայութեան՝ մտաւոր առողջութեան և իւր բարոյական պարտականութեան խոր գիտակցութեամբ: . . .

Բայց նա արդեօք իրօք հոգեպէս առողջ է: Եթէ նա մենակ է, ապա արդեօք ներկայումս, երբ Կովկասում տիրում է մտքերի յուզումն ու խռովութիւն, կարելի է նրան թողնել քարոզչական գործունէութեան և ծուխը հովուելու համար: Անկարելի է երեւակայել, որ ռուս քահանան չը գիտենայ, թէ մեղանում պետական օրինաց համաձայն չի կարելի ոչ ծախել և ոչ էլ գրաւ դնել մարդկանց:

Բայց այն դէպքում, եթէ նա առողջ է, նրա գրութիւնը՝ արտատպելու խնդրանք՝ հանդիսանում է մի միայն բեկլամ նրա հայրենասիրութեան:

Արդեօք վայել են այդպիսի միջոցները մի քահանայի համար:

ՊՐԱՒՈՍԼԱՆ ԵԿԵՂԵՑԻ ՎՐԱՅ

Մայիսի 27-ից Թիֆլիզ հաւաքուեցին վրաստանի և Կախէթիայի վրացի քահանաներն իրենց եկեղեցու անյետաձգելի կարիքների մասին խորհրդակցելու: Վրաստանի սրբ. էկզարխը սկզբում թէև յայտարարեց, որ ոչ մի ժողով թոյլ չի տրուել՝

ասկայն տեսնելով, որ քահանայքն ու իրենց դպիրները՝ մօտ 700 հոգի՝ կարծելով, որ ժողովի հրաւերը հոգևոր բարձր իշխանութեան կողմից է եղած, արդէն հաւաքուել են Թիֆլիզ՝ ըստ «Кавказъ» թերթի հաղորդագրութեան՝ չուզենալով, որ հոգևորականները զուր ժամանակ կ'որցնեն, թոյլատրեց ժողովներ, նշանակեց իրեն կողմից ներկայացուցիչ Թիֆլիզի ռուսաց Սեմինարիայի տեսուչ՝ Նիկանդր վարդապետին և գծեց ժողովի պարապմունքների շրջանակը, պահանջելով, որ ժողովի հրաւերուն նաև Կարսի և Բաքուի նահանգների քահանաների ներկայացուցիչները։ Փոխանակ ըոլոր քահանաների, ժողովին մասնակցելու համար պէտք է ընտրուէին դործակալական պատգամաւորներ և պարապմունքներ պէտք է վերջանային յունիսի երեքին։ Սակայն մասամբ թիւրիմացութեան և մասամբ էլ ոստիկանական հոգեբանութեան շնորհիւ մայիսի 31-ին դպրանոց հրաւերուեցին զազախ ռուսներ և ոստիկաններ՝ հանդիսական աշխարհականներին ցրուելու, որոնք իբրև թէ եկել էին ռուսով քանդելու սեմինարիայի շէնքը։ Տեղի ունեցաւ սովորական ընդհարումն, որի ժամանակ ծեծուեցին և վիրաւորուեցին մի քանի հոգի նոյնիսկ քահանաներից։ Ի հարկէ նիստերն այլ ևս չը շարունակուեցին և վրդովուած ժողովականները մի միայն հաւաքուեցին հետեւեալ օրը բողոքելու այդ բաշխուղուղութեան հեղինակներին դէմ։ Այդ առթիւ լրագիրներում կարդում ենք հետեւեալը.—

—Վրաստանի և Կախէթի քահանաների պատգամաւորութիւնը ծեծուած քահանաների և դպիրների հետ երեկ յունիսի 2-ին ներկայացաւ Փոխարքային, յայտնեց մայիսի 31-ին և յունիսի 1-ի գիշերը պատահածների մասին և խնդրեց, որ հոգևորականութեան որոշումներն իրագործուին։ Նոյն օրը Թիֆլիզի նահանգի ազնուականութեան պատգամաւորները՝ իշխան Ալ. Զամբակուրեան Օրբէլեանու առաջնորդութեամբ (ազն. պարագլխի պաշտօնակատար) ներկայացան Կովկասի Փոխարքային և յայտնեցին ոստիկանութեան և զազախների արարքները վրաց հոգևորականութեան նիստին մայիսի 31-ի գիշերը։ Պատգամաւորութիւնը խնդրեց քննել տեղի ունեցածները և պատժել այն անձանց, որոնց նախաձեռնութեամբ և եռանդով տեղի ունեցաւ յիշեալ տխուր դէպքը։ Փոխարքան խոստացաւ խիստ քննութիւն կատարել հոգևորականութեան, ազնուականութեան և այլոց ներկայութեամբ։

Յունիսի 2-ին բաղադրուի պաշտօնակատար Զերբէդովի մօտն էր Վրաստանի և Կախէթիայի քահանաների պատգամաւորութիւնը, որը յայտնեց մայիսի 31-ին հոգևորականութեան

հետ պատահած դէպքերի մասին: Քաղաքագլխի պաշտօնակատարը ցաւակցութիւն յայտնեց վրաց հոգեւորականութեան քաղաքային ինքնավարութեան կողմից:

— Նրեկ յունիսի 2-ին Թիֆլիզի դուման (խորհուրդը) լսեց սեմինարիոյում և նրա շէնքի առաջ վրաց հոգեւորականութեան հետ պատահածները մասին և ի նշան ցաւակցութեան ընդհատեց և փակեց նիստը:

— Յունիսի 1-ին Թիֆլիզում տեղի ունեցաւ Քարթալինիայի և Կախէթի գործակալների ժողովը, որը վճռեց դադարել գործակալական պաշտօն կատարելուց մինչև որ չը պարզեն և արժանաւոր կերպով չը պատժեն նրանց, որոնք առաջ բերին մայիսի 31-ի դէպքը: Այս վճռի մասին յայտնեցին նաև ս. Էկզարխին: Քարթալինիայի և Կախէթի հոգեւորականութեան հետ միացան նաև Բաքուի և Գանձակի նահանգի գործակալները:

Փոխարքայի կողմից մայիսի 31-ի դէպքի քննիչ նշանակուած է գէներալ Ստախովիչ: ազնուականութեան կողմից ներկայացուցիչ՝— Ա. Ի. Զամբակուրեան Օրբէլեանի, հոգեւորականութեան կողմից քահանայից ժողովի նախագահ Քրիստափոր քահանայ Յիցքիշվիլի և քարտուղար՝ Ա. Կանչելի:

Թիֆլիզի հայ հոգեւորականութիւնը լսելով մայիսի 31-ին վրաց հոգեւորականութեան հետ պատահածները մասին, որոշեց ցաւակցութիւն յայտնել առանձին պատգամաւորութեան միջոցաւ:

ԲՈՂՈՔԱԿԱՆ ԵԿԵՂԵՑԻ

Ամերիկայի միլիօնատէր Ռաքֆէլլերը 200,000 ռուբլի նուիրեց բարեգործական նպատակով: Բողոքական քարոզիչներից շատերը յանձնաժողով կազմեցին, որպէս զի կարողանային հանրային կարծիք պատրաստել, որ այսուհետև անմաքուր աղբիւրներից բխած դրամը հոգեւոր պէտքերի համար նուէր չընդունուի: Այդ քարոզիչներն ասում են, որ «Ստանդարտ Քարիւղի ընկերութեան» հետեւած ուղղութիւնը այդպիսի պայքարի պէտք ունի: «Քրիստոսի եկեղեցին շիրճութեան միջ է, ինչպէս և այն բոլոր առեւտրական մեծ հարստահարիչները, որոնք եկեղեցու պաշտպանութեան են ապաւինում»: Պարզ է, որ քարոզիչները յանձնաժողովը դժուար գործ է սկսել: Պ. Ռաքֆէլլերը համարեւ. ամենայն օր առատ գումարներ է նուիրում կրօնական և կրթական նպատակաւ և շատ քչերն են առարկութիւն